

Segun Tico Croes:

Parce no tin futuro briyante pa esnan di menos recurso

ORANJESTAD (AAN)-
Parlamentario Robertico
Croes, a condena fuertemente
e negligencia completo di parti

di e gobierno actual, cu a
conduci na e fallecimiento di e
ciudadano Marco Dirksz,

kende a drumi 6 luna den
hospital, a speranza di por a
haya e oportunidad di biaha pa
Hulanda, pa tratamento
medico mas avanza.

Segun sr. Croes ta asina cu
Marco Dirksz y su famia no
tabata conta cu e medionan

financiero pa por a cubri e
gastonan di pasashi y cuido
medico na Hulanda. Ta pesey

nan a cay den un situacion, cu
ta toca asina tanto Arubiano di
poco recurso. Lunanan largo
Marco Dirksz mester a drumi

ward ae momento cu e por a
haya e oportunidad pa por a
biaha pa Hulanda. El a worde
bisa cu no tabata tin lugar pe
den hospitalnan na Hulanda.

Sr. Tico Croes a sigui bisa cu
reflexionando ariba e caso
tristo aki y ariba e
de4saroyonan cu ultimamente
ta tumando lugar den
Salubridad Publico y un
maneho cu a mostra
literalmente di ta fatal,
diferente preguntanan ta bin
padilandi. Marco Dirksz y su
famia mester a pasa den tur e
dolor aki, pasobra nan ta
hendenan di poco recurso?
Salud Publico na Aruba ta pa
henter pueblo of e ta solamente
pa esnan cu por paga, of pa
esnan cu gobierno kier yuda?
Pakico ora tende cu
hospitalnan na Hulanda ta yen,
no a haci uzo di tur presion cu
gubernantenan por eherce pa
haya lugar, of por a manda e
victima otro caminda? Pakico
den cierto casonan si,
pacientenan por worde manda
pa exterior, den menos cu 24
ora y haya lugar den e hospital
cu nan ta desea?

Sr. Croes no por deshaci di e
idea, cu discriminacion sin
limite cu ta privilegia un grupo
y ta haci daño na e grupo di
hende di poco recurso, ta visto
den e caso aki. Tristo ta, cu
Marco Dirksz q.e.p.d. mester a
drumi lunanan largo den
hospital cu dolor, pasobra
mester a tuma un decision den
su caso y demonstra
determinacion, mientras cu un
delegacion di Staten ta bay
London sin necesidad, ta
cumpra un auto pa Presidente
di Staten y ta gasta mas placa
cu kizas lo a costa pa duna
marco Dirksz e tratamento cu
e tabatin mester na Hulanda.

A.V.P. a warda pa reacciona
ariba e caso tristo aki, pasobra
A.V.P. a kere cu gobierno y
coordinador di Salubridad
Publico lo tabatin siquiera e
decencia y etica di a investiga e
caso aki, pa asina trata na
disculpa nan mes pa e sucedido
lamentable aki.

A.V.P. en todo caso ta exige un
explicacion di e maneho di
gobierno, cu lo mester evita, cu
e caso tristo di Sr. Marco
Dirksz nunca mas tuma lugar.